

2021-mut Ilassutitut aningaasaliissutitut inatsisissatut siunnersuut
(Aningaasaqarnermut Naligiissitaanermullu Naalakkersuisoq)

Akissuteqaat
(Aningaasaqarnermut Naligiissitaanermullu Naalakkersuisoq)

Aappassaaneerneqarnera

Naalakkersuisut Aningaasaqarnermut Akileraartarnermullu Ataatsimiititaliap 2021-mut Ilassutitut aningaasaliissutitut inatsisissatut siunnersuummut isumaliutissiissutiliornera qujassutigerusuppaat.

Naalakkersuisut ataatsimiititaliamik suleqatigiilluarnertik nuannaarutigaat. Naalakkersuisut pingaarnermik ataatsimiititaliap suliassanik pinartunik suliaqapallannissamut piumassusaa aamma piginnaassusaa assut nuannaraat. Pingaarnermik COVID-19-imut 2021-mi initoqisumut sulianut tunngatillugu.

Naalakkersuisut soorunami ataatsimiititaliamut suliassat piffissaq eqqorlugu nassiunniartuassavai, ataatsikkullu Naalakkersuisut ataatsimiititaliap apeqqutai naammaginantumik akisarniarsaralugit.

Aningaasaqarnermut Akileraartarnermullu Ataatsimiititaliap isumaliutissiissutimini atuinerusoqassappat ilassutitut aningaasaliinissamut qinnuteqartoqartarnissaa inassutigaa.

Tamatumunnga atatillugu Aningaasaqarnermut Akileraartarnermullu Ataatsimiititaliap missingersuutitut inatsit piumasaqaataa "*Aningaasaliissuteqartoqaaqqartinnagu aningaasartuuteqartoqassanngilaq*" unioqqutinnaveersaaquaa. Naalakkersuisut tamatumani inassut soorunami isumaqataapput, Naalakkersuisullu aningaasaliinissamut akisussaasunit piumasaqaat tamanna malinneqassasoq inassutigalugu.

Naggasiullugu Naalakkersuisut inatsisissatut siunnersuummut tapersiineq qujassutigerusuppaat.